

野史

六十四

第一百七十七卷 武臣列傳
 佐久間信盛
 第一百七十八卷 武臣列傳
 佐々成政 河尻鎮吉 村井貞勝
 菅谷長頼 毛利秀頼 原 房規
 蜂屋頼隆 不破道貞
 第一百七十九卷 武臣列傳
 丹羽長秀

庫	文	閣	内
二九	一〇二	一〇二	和
一六	一〇四	一〇四	書
架	冊	號	類

善
 10214
 號

内閣文庫	
番號	和 10214
冊數	100(64)
函號	269 36



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





野史卷一百七十七

野史卷一百七十七

武臣列傳第八十五

佐久間信盛 盛政 安次

佐久間信盛尾張人也。未詳其父。

○野史氏按。三浦家譜云。佐原盛連十五世。佐久間久二郎。定盛子。信盛云。次載三浦美同。年歷差異。疑不是。或云。信盛者玄蕃允盛政叔父。而久右衛門盛次兄也。

飯田忠彦 修
 男 文彦 訓點
 竹中邦香 稜

野史卷一百七十七

初字曰半助。鹽尻、熱田、大宮、司古狀文。改稱右衛門尉。織田家譜、逸史。仕織田信長。永祿十年。為使者往岡崎。約婚。織田家譜。又借鷹野於吉良。屢來往岡崎。或被冒絮。謁騰雲公子信康。信康忿。擲卻之。土屋忠兵衛覺書。永祿十一年九月。攻箕作城。元龜元年五月。信長伐近江。使信盛守長原城。六月。佐佐木承禎自甲賀出。屯于野洲郡。信盛及柴田勝家率兵擊破之。獲首七百餘級。報捷於岐阜。信長嘉獎。加賜三萬貫田。十九日。信長登虎御前山下。瞰小谷。照料險易。而議攻伐。信盛曰。強攻之則得。然我兵損者三分之一矣。九月。朝倉義景。淺井長政率

兵軍叡山。信長遣裨將圍之。襲僧坊。斬獲多。信盛與稻葉長通。竊招僧侶者老開諭。而不從。元龜三年十一月。公卿與北面士訟論起。信長令信盛及村井貞勝辨明之。不能。信長親檢斷焉。織田家譜。十二月。武田信玄觀兵於味方原。東照宮乞援信長。令信盛及平手汎秀赴救。汎秀死之。信長終與甲絕。織田家譜、逸史。天正元年正月。松永久秀父子就信盛。納多門城。乞降。信長許之。七月。大將軍義昭出真木島。犇普賢寺。曰。願宥死一等。信長不忍。加戮。顧信盛秀吉。曰。汝等能圖之。乃受旨。送義昭於若江城。織田家譜。八月。信長率師伐近

江。使信盛勝家等守大嶽之北山田山。絕江越之路。義景聞之。出裨將于江北。屯田邊山。信長遣稻葉長通於高月鄉。而對越兵。是時長政偏將淺見對馬守。據大嶽子城燒尾寨。竊迎納信長兵。以圍大嶽城。城守齋藤刑部少輔。小林彥六左右門。西方院等。使僧來乞降。且請爲伐越先導。信盛秀吉以報。信長許可。織田家譜。天正二年三月。信長開東大寺祕庫。截蘭奢待香木。信盛往監焉。四月。信長歸京師。大坂一向徒。出健步阻路。信長擊破之。使信盛陣于天王寺。以備焉。七月。從信長攻長島賀島口。天正三年五月。長

篠之役。爲右軍將。織田家譜。十二月。信盛譖水野信元於信長。令殺之。信長予刈屋於信盛。信盛殫逐水野氏。逸史。○國史實錄。刈屋作水川。五年八月。信長使信盛擊雜賀餘黨。使羽柴秀吉代信盛守天王寺城。十月。信忠進師攻松永久秀于信貴城。一日久秀遣使於雜賀大坂。乞援約期。使者誤而入信盛陣。信盛捕之。以獻信忠。信忠乃與議。佯爲雜賀使者。納部兵數百於城。城中以爲雜賀兵。開門迎之。頓至其次郭。信忠進衆逼之。內外合圍。攻擊。遂拔其城。織田家譜。信盛伐大坂一向寇。屯天王寺。己五年。貪利併兵。天正八年八月。信長遣楠

長菴。松井友閑。譴信盛父子罪曰。汝父子陣天王寺。既五年。鈍兵不能拔賊寨。勞衆莫尺寸功勳。徒嗜茶耽樂。貯藏古器。更無講武之心。甘讒忌國禁。不恤部屬。恣威而驕。貪祿不飽。或過言悖禮。臨敵進退失度。其罪不遑枚舉也。乃收父子兵柄。而放逐。父子不能陳謝。夜去天王寺。而奔高野山。實錄、信長記、織田軍記、又徙居相鄉。實錄、信長記、天正十年二月。病死于熊野。實錄、信長記、聞訃。隣召子正勝。祿之。謂曰。汝往岐阜。可待信忠。織田實錄、正勝初字甚九郎。稱駿河守。天正四年五月。守天王寺。與一向寇戰而不克。信長遣兵伐寇。使信盛

正勝守天王寺寨。織田家譜、八年八月。與父被廢黜。入高野山。徙居相鄉。二年父死而後。遇赦出仕。實錄、織田軍記、十二年三月。正勝與山口重政。爲織田信雄守嶺城。織田信包來攻。城將陷。信包等聞東師至。引去。正勝乃還長島。而信雄令正勝鎮蟹江。正勝使部將前田長種守之。長種弟定利守下市場。重政守大野。六月。信雄遣正勝築萱生。瀧川一益在木造。狙其虛。誘蟹江留守種利降之。其子長種定利應之。重政不屈。逸史、正勝後號不干齋。得名於茶事。云

○小牧戰話。追加作甚九郎子駿河守云。○土屋

聖典 卷一百七十七

忠兵衛覺書作信盛正勝父子。或有佐久間河內守政實子宗秀稱甚九郎。從五位下。號不干齋云。○又按武家補任。有佐久間平正實。慶長中。叙從五位下。稱伊豫守後河內守。寬永中。為使番。據此考之。為不干齋之父者。年記似有謬。德川記。難波軍記等。慶元之際。有河內守正實。花押藪載。河內守政實。尾張人。與六郎某男。仕信長。剃髮號正休云。與武家補任所載不合。

佐久間盛政。信或作信政尾張人也。姓平氏。三浦族和田義盛曾孫家盛。住安房佐久間。因為族。和田家譜

○或云。佐原義連六世是助。為安房國人民部入道養子。改佐原。稱佐久間。

後世徙居于尾張愛智郡。父盛次。初字久六郎。改稱久右衛門。仕織田信長。元龜年間。攻箕作城。死之。盛次娶柴田勝家妹。生數子。長盛政。次安次。次勝政。次勝之。季勝平。佐久間家譜、藩翰譜盛政小字理介。家譜稱玄蕃允。家譜、織田家譜初信長使戶次政辰為加賀守護。既而一向寇起。政辰擊破之。俘斬若干。而寇益熾。信長使盛政代政辰。累戰克之。逸史天正八年。伯父信盛被罪於信長。盛政憚而不出。信長以盛政伐加州有功。殊赦

仕之勝家。勝家使盛政爲尾山城主。織田家譜、九年
正月。越兵加兵多入京師。河田親章在越中松倉城。
報之上杉景勝乞師。加越土寇競起。俱攻勝家部下
毛利九郎兵衛於布止婦解城。時盛政在尾山。聞急
疾馳。中途城陷。奮激直達。復其城。屠戮土寇。悉平之。
信長十年六月。盛政聞石動山叢徒。及温井實正等
起兵。自率兵二千五百餘。發金澤。入能登。陣于高島。
援前田利家。又聞叢徒與越援軍築荒山。夜發兵。會
實正等遇利家。自柴嶺發。分兵三千餘。逃入荒山。盛
政乃使拜鄉久盈備石動山。自率上田又作等爲先

登。攻荒山。實正及三宅正數。山莊藤兵衛及般若院。
大官坊。越後援兵。群不逞俱拒戰。實正。正數。藤兵。筒
井雅樂助等皆死。盛政乃送首于利家。利家厚謝焉。
荒山合天正十一年二月。盛政爲勝家先鋒。將兵萬
五千。進抵木本。前田利家不破氏次。原元治。金森長
近。盛政弟安次等繼之。到處抄焚。分兵壓敵寨。利家
稱病引去。豐錄盛政進軍于行重山。太閤記、北山路
正國謂盛政曰。秀吉伐濃。三郎事急。盍赴援。盛政曰。
勅敵列砦限以湖山。焉得踰而進。附耳曰。敵砦皆固。
但中川清秀在後。壁賤嶽趾。以恃前蔽也。塹壘不完。

卽間道出餘吾湖。以襲其不意。一舉可拔。秀吉在濃。不能疾來。嶽砦旣陷。佗砦當不戰而潰。所謂兵以奇勝也。盛政曰。善。往中軍以告。勝家悅曰。我分兵壓諸砦。汝過往矣。但得捷。卽從便道還。勿經宿。處分已定。盛政率步騎萬五千。豐臣家譜作一萬十九日夜。潛甲星行。緣山沿湖。迂回以馳。實錄。下令曰。敵寨昨今壁屏未乾。若偪之。必越屏之槍矣。十文字及鎗槍無利。乃配與秘於叢云。碎玉話二十日平明而達。見飲馬於湖邊者。掩取之。脫者走報。清秀大駭。與高山長房出禦之。酣戰不決。盛政曰。長篠之役。遠兵焚鷲巢。以得大捷。

故智可用。乃令裨將繞出敵後。燬其外砦。敵果潰。長房韓木本砦。清秀勒餘叢入壁。盛政急逼之。生兵迭登。清秀復出而奮戰。叢寡不敵。走將入壁。越兵號辱曰。怯矣哉。清秀曷不死乎。清秀怒。反擊殪數騎。與近藤兼一相接。遂死之。諸寨以事出不意。拘守軍令。不敢赴救。盛政收俘馘。日旣西。使人報捷。送清秀首。且曰。叢甚疲。當埃明而退。勝家謂使者曰。便道財里許。夫何疲之有。宜亟還。奇捷之利。在收威養銳。克而懈。殃弗可測矣。頻遣騎趣之。項背相望。盛政傲然曰。全勝之威。孰敢敵者。伯舅老而憤憤耳。日旣暮。勝家頓

是日。豎子敗。乃公事。實錄、逸史秀吉在岐阜。聞飛報直馳。初更抵賤嶽。盛政望炬光大愕。士卒困臥。莫能興。盛政叱急收軍。徼曰。秀吉既至。盛政曰。秀吉昨日猶在美濃。縱雖迅速。何以得到哉。時月弦既開。諸皆視之。弓銃爭蹙。盛政戰且走。至嶽北。據岨隘。原元治與安井左近爲殿。左近引去。元治獨殿。一戰一走。軍多潰。柴田勝政將兵三千。在嶽址。二十一日平明。盛政馳人招之。勝政將退。秀吉逼之。矢丸雨下。勝政軍擾。秀吉命左右逐之。福島正則。加藤清正等。互競進擊。所嚮無前。勝政大敗。盛政望見。謂拜鄉久盈曰。勝政已

危。卿其圖之。久盈忽揮槍奮進。與石川一光戰。相接死。勝政遂戰殪。餘徼大潰于清水坂。師追亡逐北。來逼盛政軍。原元治言曰。請決死戰。吾爲前驅矣。頻強之。弗肯。旣而秀吉金瓢馬標至。徼皆知秀吉實至。驚愕狼狽。峯谷皆敵。部下擾亂。大敗。死亾者五千餘。盛政與柴田權六。逃欲歸尾山城。經歷山路。遂被捕。豐臣家譜。秀吉使人諭曰。可惜勇武者。死封國。則得無異心乎。盛政乾笑曰。我嘗欲使得志。捕秀吉。搦縛如下。我今日矣。縱雖加新恩。何忘阿伯舊誼哉。常山紀談。五月。秀吉令淺野長政斬權六。盛政于六條磧。是日臨就

刑。望請曰。希著宏袖紅裏衣。薰香於白衫。我一世之終。盡意而死。秀吉聽之。紀談。盛政素驍勇。世目為夜叉玄蕃。臨刑呼曰。我蚤用阿舅言。則使猴奴如是。長政叱之。盛政曰。生不得封侯。死烹五鼎。無悔。與能那可乎。免久留母波天奴。遠具類末乃。久和多玖。廼加登遠。以津累那里計裂。非汝所知。至死顏色不變。實錄萩原隨筆。時年三十。家譜。藩翰譜。○太閤記和州諸將軍名善俊英伯。家譜。

安次。本名政次。初字久六郎。為畠山昭高臣。保田正利養子。更稱久右衛門。復族佐久間。松窓漫錄。天正十一

年二月。為勝家先鋒。伐中川清秀。及軍敗。與弟勝之。欲報伯兄讐。奔紀伊。憑粉川黨。築寨於三國嶺霧坂。在河內。又修烏帽子形故城。據之。舉兵為秀吉所敗。潛走飛驒。而入小田原。依賴北條氏政。及氏政滅。而遁金澤。稱名寺。蒲生氏鄉。臣蒲生鄉成。鄉可嘗仕勝家。與安次舊識。二人為告氏鄉。以達秀吉。秀吉曰。渠等以我為仇。非無據。可謂丈夫也。天下今屬平。我為渠命父矣。乃畀一萬石于安次。五千石于弟勝之。以為氏鄉附庸。漫錄。紀談。○武邊咄聞書。紀談。並氏鄉。執禮而蹶。人哂之。氏鄉曰。兄弟非席薦支之人。

也。紀談、席薦支、讀曰、叙從五位下。稱備前守。漫、關原
之役。太美左波里、兄弟皆屬東照宮。保有采邑。譜、翰大坂兵起。冬
夏共從軍。獲首六級。藩翰譜、大坂陣首帳、元和二年。列咄。加
食邑。賜飯山城。信、濃、三萬石。大坂日記、寬永五年四月
卒。年七十三。家譜、藩翰譜、法名功岸玄忠。號德立院。家譜、
考、長子勝次。蚤卒。三男安長嗣而卒。子勝長。字三五
郎嗣。寬永十五年。九歲而夭。籍沒。亡後。系圖、藩翰譜、勝政。
稱三左衛門。爲伯父勝家猶子。稱族柴田。守敦賀城。
賤嶽軍敗而戰死。豐臣家譜、漫錄、年二十七。藩翰譜、子勝重。稱
三左衛門。家譜、

勝之。本名正賴。咄聞書、紀談、小字源六郎。爲佐佐成
政養子。漫錄、家譜、與兄安次。踣躄。謀復仇。而不果。奔小田
原。後秀吉召賜食邑五千石。慶長五年。仕東照宮。列
相伴衆。叙從五位下。稱大膳亮。加賜食邑江常二州
田一萬八千石。寬永十一年。六十七歲卒。家譜、藩翰譜、子
勝高。或作勝久、稱藏人。繼父。弟勝種。殊仕大猷公。有罪。流
于伊豆大島。勝高卒。子勝量。或作勝豐、嗣。而卒。養子勝親。
或作勝茲、稱織部。貞享二年。嗣。五年五月。擇爲近侍。稱疾
不應。命除信州長沼邑一萬石。流于二本松。家絕。家譜、
錄、舊章

野史 卷一百一十七 十二

勝平。或作勝年。初稱左兵衛。賜食邑五千石。元和二年。叙爵稱信濃守。改因幡守。御選大坂家譜。寬永七年卒。年四十一。家譜。○按。續藩翰譜。勝平。子勝盛。字源六郎。正保三年卒。家絕。未詳其故。○野史氏按。勝平所食內。未詳其故。始附按考。

野史卷一百七十七終

野史卷一百七十八

飯田忠彦 修
男 文彦 訓點
竹中邦香 校
武臣列傳第八十六

佐佐成政
河尻鎮吉
村井貞勝
菅谷長賴
毛利秀賴
原房規

小瀬清長

蜂屋賴隆

不破道貞

佐佐成政。尾張春日井郡人也。老人雜話、姓源氏。佐佐軍記、佐木盛綱孫氏綱。領上總佐佐莊。因族稱焉。武家盛子孫徙尾張。為織田氏世臣。雜話、食比良邑。軍記、父名盛政。稱與五右衛門大夫。盛衰記、

○今按。武家補任。成政者隼人正正通二男。而岡部五郎兵衛長教弟也。然則為織田氏世臣。非無疑。未知為佐佐氏養嗣乎。

兄曰政次。稱隼人。仕織田信長。永祿三年。戰死于桶

狹間。盛衰記、成政初稱內藏介。武家補任、武者物語、繼仕信長。永

祿五年。與齋藤氏相挑于輕海。織田家譜、十一年九月。與

柴田勝家。蜂屋賴隆。攻日野城。太閤記、元龜元年六月。

信長視兵于小谷。而旋軍。成政及柴田出羽守。中條

將監為殿。淺井長政發兵追尾。三人互代防戰。敵據

嶮。狙擊成政等。力戰周旋而歸。織田家譜、九月。大坂一

向徒。侵掠守口邊。信長使成政及福富貞次等拒之。

與接戰。野村越中守死之。寇競進。隊伍將潰。前田利

家殿擊卻之。織田家譜、天正元年。正旦。信長召功臣。賜

饗。頒賜刀劍。成政從衆而進。曰。臣不肖。辱享席。如蠅

附驥尾。走千里也。君恩洪澤。溢陋躬。方今海內將歸。統一。願救窮民。德澤及昆蟲。古書云。王者以四海爲家。億兆爲子。然而一夫有不服者。可知德化不洽。請省不善。以有德誼矣。信長然之。引成政於寢室。論政務云。信長記。八月。成政與利家從信長。伐越前朝倉義景。出兵於刀根山。屢拒戰。成政等奮擊。遂克之。三年五月。長篠之役。掌銃卒。織田家譜。八月。越前平。封越中半國十萬石于成政。織田家譜。豐鑑。居府中城。織田家譜。九年二月。抵安土。謁信長。聞上杉景勝入越中小井手城。賜暇與神保越中守。馳歸中郡。而聞是曉。景勝引兵而去。

織田家譜。三月。成政擊定越中。信長就封成政爲越中守護。居富山城。在新川郡富山。或作外山。信長記。逸史。十年。成政率兵攻國境魚津城。信長使勝家。利家援。五月。與越兵戰。進薄魚津城。拔之。會信長凶訃至。各弭散。而國人或數作亂。成政伐平之。豐鑑。北國太平記。十二年。成政欲出兵侵畧郡邑。憚利家與佐佐平左右門神保安藝守議。成政有二女子。先是送妹於秀吉爲質。其姊在家。乃遣平左。請婚於利家。二男利政。七月。送納采品物。兼請固隣好。且姻親。利家許可。厚享使者。且曰。遣村井又兵衛爲答使。成政聞之。謂曰。中秋非祝月。請以暮商

矣。緩期構寨于諸所。八月。欲築寨于朝日山。遣平左等兵五千。先是利家取朝日山寨。令村井長賴守之。嚴戒禦備。平左暨前野小兵衛忿將攻取之。分作二隊。而進圍寨。攻之歷日。利家嘗置戍于七尾。末森津幡。鳥越等。成政亦使平左暨野野村主水兵二千餘。守俱利伽羅嶺。小兵等兵二千守稻見。國人菊池伊豆守及子十六郎兵千餘。守青野。神保士袋井隼人守荒山。神保安藝守子清十郎守森山城。自督兵四千。據富山城。侵掠利家屬邑。九月。成政布陣于坪井山。以山下甚入等爲前鋒。騎兵八千餘。攻末森城。使

安藝父子兵四千。備利家後援。屯河尻。末森記前軍攻末森。城主與村永福。爲利家堅拒不屈。越兵蟻附。破外郭。永福出死力。嬰牙城。永福妻美而勇。佐永福。犒勞不勸。士氣以奮。利家聞急後援。戰于郭外。成政士佐佐與左右門。野野村主水。本莊市兵衛等。將士多死。軍潰。明日收兵而歸。末森實錄利家報捷于秀吉。秀吉命孫殺成政女及乳母于粟田口。末森記成政與利家連戰不決。自謂信雄孱弱。不足共事。宜與東照宮結好。以圖中原。乃罷兵稱疾。潛與左右數人。凌深雪。踰左良左良越。間道馳驅。十二月抵濱松。請而見。勸

西上。以俱長驅。東照宮辭西上。而約應援。以酌來意。成政往清須。勸信雄再舉。又弗聽。實錄、武者物語、十三年二月。加兵來縱火于大寺。侵畧邑里。及木船。伊奈美二城。成政出兵拒之。不克。三月。自率兵到鷹巢。縱火而還。菊池伊豆守以青城叛。歸利家。俱利伽羅兵棄寨。而據森山。伊奈美。木船三處。為之備。使神保安藝守兵四千五百。守森山。佐佐平左衛門兵一千五百。守木船。置戍于增山。令丹羽權平為越後境守備。成政嘗欲徇北陸。募兵士以重祿。來屬者多。雖然其所收不足十之二。或告歸。或留國。又加越兵亂。不忍辭去。

留仕者亦不少。是以兵士所隸。過其分云。未森八月。關白秀吉將師十萬。伐越中。利家為先驅。成政據俱利伽羅嶺。列城寨三十餘處。未森記云、成政棄森山、木船、井波等諸寨、限以富山、神秀吉登石動山。分兵攻伐。長驅薄富山城。九月。成政自髡。依富田知信。津田信季。未森記作依田信雄出降。越中平。實成政于京師。引為譚友。聊無避忌之色。然察其勇猛。未授食祿。實錄、豐臣家譜、○未森記云、授以新川郡、成政往天津。談及武事。淺野長政曰。武弁之事。汝奚得預知乎。老人雜話、十五年六月。秀吉征伐九州。而封成政于肥後。曰。先世之勳。不可廢也。豐鑑、溫故私記、相良長每。邑五百町。伯

野史 卷一百七十八 十五

者顯孝。邑五町。城久基。隈部親永。合邑八町。和仁親實。邑百。
五十邊春親行。邑百三町。大津山家稜。邑五百十二町。白間野
宗鄉。邑十町。志岐麟泉。天草。大矢野等。皆賜舊邑。爲
附庸云。佐軍記。稱陸奥守。武家補任。雜話。叙從四位下。任侍從。
花押。居熊本城。武豐臣家譜。或云。秀吉封成政。謂彼能
平治肥後。則足以爲藩屏。若爲悍賊。所殺亦無妨。實錄
成政多欲寡恩。其受封也。秀吉誠曰。善拊諸城館主。
慎勿暴民。既就國。下令諸豪。勾檢民田。境內釋騷。土
寇大作。諸豪祐之。或謂賜殿下朱章。與群侯不異。不
可承。成政命令矣。成政曰。我爲守護。討不服。是命也。

令生駒小千巡檢郡邑。隈部親永拒之曰。我菊池。山
鹿。山本八百町田。曷受他校量乎。不聽。成政憤怒。盡
召諸豪。令日吉大夫奏申樂謀。殺親永。預刻期日。城
久基與親永有姻。竊告之。迨期。親永稱病不會。成政
益怒。七月。遣姪佐宗能。前野忠勝等。兵三百餘。攻
隈府城。親永督部兵。禦戰不屈。成政自率騎兵六千。
次大馬場口。遣使謂曰。頃聞足下挾異圖。故我來將
問之。如否則速出。視無異于衆。親永荅曰。非敢懷異
謀。惟禦巡按而已。完有城邑。則我奚辭爲。乃送質子
九人。成政猶未解兵。親永懷悔。與老臣富田家治。多

野史 卷一百一十八 十六

久宗貞。小場重實胥議。決死戰。時親永子親安在成政陣。親永令家治遣人謂親安。傳有動兼元勸戰死。親安應諾。致返書。以約刻明日。親永悅。賦兵以俟。期時親安及從父弟山鹿重安。與成政中軍隔一小河。據山而陣于國正寺原。成政遣使謂親安曰。足下父子不協。我已識焉。非敢欲滅隈部氏。唯討親永耳。請戮力俱攻之。親安諾。約以明日。是夜。多久宗貞携妻子出而降。城中騷擾。家治以告。親永懼。欲收諸士。子。家治首送妻孥。家治子飛驒巡夜。途遇其母。問故。停母於中途。而入牙城。乞宥。親永許諾。乃奉母而歸。

家治怒。復送之。次日黎明。舉族出城而戰死。成政遣人召親安。三回。依違弗果。或謂宗貞叛。家治死。使者復至。親安決意斬使者。士卒往往散走。止者僅二百。親永銳氣屈折。終削髮。與二男親房將出降。左右諫止。急衝成政前隊。而入親安陣。與成政兵戰。敗走城村。成政置戍而還。八月。成政攻親安于城村城。迄十三日。未拔。會群不逞蜂起。圍熊本城。成政聞變。築附砦。使大來兼能守西砦。前野忠勝守東砦。以爲之備。國人亦往往辭去。成政將歸城。宗能曰。自山鹿至熊野。土寇阻路。臣請擬中軍自正路。君歷合志路還。擊

賊不虞。則必有捷矣。成政曰。善。宗能乃率三百餘兵。取山鹿路。下野城主。在山本郡。內空閑鎮房。親安妹婿也。與和田持船。鹿子木等相謀。伏兵襲擊宗能。宗能血戰死之。甲斐親秀入道宗立。菊池武國爲首領。土寇群起者。三萬五千餘。圍熊本城。迨敵部將乘牙城。成政馳驅歸。將入街口。土寇阻之。轉踰坪井川。擊群寇於茶磨山。佐佐平左衛門。松原直元繼進擊賊。賊少卻。神保安藝守出城夾擊。土寇蟻附。成政死戰。僅得入城。佐軍鑑。佐有動兼元與賊圍成政部下平山城。成政欲赴援。群不逞多佐兼元。充塞道路。成政猶豫不

果。會平山糧竭。命納糧。賊奪之路。成政乞救於鍋島勝茂。勝茂率兵七千餘來援。欲運糧於平山城。兼元望見。與賊來擊。勝茂禦之。不克。士卒多死傷。引去。立齋舊聞。秀吉使淺野長政來鎮平土寇。阿蘇神主又黨賊。九月。秀吉下令於西諸侯曰。戮力可擊賊。且成政亾道。啓亂之端。其罪不可道。亦可俱誅焉。由是小早川隆景。島津義弘。立花宗茂。各率兵赴援。實錄。成政入城。未能平賊。群議累日。一夜有扣轅門者。令問之。曰。阿蘇舊臣猿渡丹波也。高森早川之徒。非敢謀逆。惟應土寇募揚兵耳。今我故主後室。及二男子在城中。

願吾儕襲賊隊。以應義兵。使主家復神職。如聽則揭中黑旗於西面。以爲信矣。乃託盟書于其人。成政大悅。引見丹波。約期。迄其期。成政揮麾督衆奮擊。丹波等合鬪發擊。大破土寇。宗立遁走。武國戰死。擒甲斐武藏。斬獲四千八百九十。遺黨猶未散。成政遣岡野又市等擊卻之。時水野勝成來寄食。健鬪多屠殺賊。成政憎鎮房獲姪宗能。又家稜。親實。親行與柳川兵戰。欲屠戮之。遣人於大津山。賺誘家稜于吉池村淨福院。其弟家直詣赤坂持嚴宮。聞變逃諫早。而病死于大島。鎮房弟鎮照又遇殺。成政欲殲和仁。邊春。賺

引不從。親實據田中城。在玉名郡和仁親行爲親實姊婿。率兵三百。與親實俱守城。親實父自休。有一女三男。長親實。次親範。身長七尺三寸。力扛鼎。次人鬼親宗。顏紅目燁。鬚髭左右分裂。四肢如熊。十月。成政攻之。宗茂。勝茂兵援之。累日不拔。射箭文誘親行。以說親實。士鶯藏人。十二月。藏人竊馘親實於寢室。親行縱火。城壁灰燼。親宗。親範血戰皆死。成政攻山鹿城未拔。佐佐軍記。宗茂督兵八百餘。抵木實嶺。識地理運糧。分作三隊。一隊令攻有廓城。一隊運糧。賊望之。出寨縱橫遮阻。宗茂自率一隊。斫賊遂卻。遂漕糧城下。有動兼

元率賊三千屯山谿。以候宗茂歸路。宗茂發細作伺賊之虛。廻經而還。賊追躡。宗茂縲引而退。賊居南關外。大田黑塞出而阻擊。宗茂命追尾。乘其寨。遂拔之。兼元驅聚土寇。欲侵掠郡邑。安國寺惠瓊赴賊巢。誘俱到小倉。途欲誅之。未得間隙。而達小倉。兼元察帷中有戟。與群下縱火。惠瓊僅脫走。黑田如水兵捕兼元戮之。隈部親永潛在西古賀。聞敗遁走梁川。舊軍記是月。秀吉使如水。毛利勝信等援擊賊。如水遣人謂親安曰。汝戾命拒師。憾成政矣乎。叛王命矣乎。對曰。臣何敢戾王命矣。惟以有憾成政也。曰。然則速避城。

可謝罪。於是親永親房親安等皆解甲。以族命於柳川小倉。秀吉命殺親永等及山鹿重安。擒甲斐宗立于益城郡六箇邑。殺之。勝信命殺白間野宗鄉于坂下城。城久基赤星親隆入道道半。不黨土寇。亦不救成政。赴大坂謝罪。弗聽。沒收采邑。伯耆顯孝以弟惡四郎顯輝爲嗣。顯孝到大坂謝罪。顯輝據宇土城拒命。秀吉命籍沒。令伐顯輝。顯輝以兵少食乏。棄城走出水。島津義弘攻之。顯輝終拒死。時歲十九。寇賊悉平。佐記秀吉怒。使人責讓成政。成政懼。天正十六年正月。成政與惠瓊俱發。抵尼碕。惠瓊先謁秀吉。爲請

哀弗聽。實記乃拘成政於尼碕。遣淺野長政。福島正則于肥後。鎮撫焉。實錄閏五月。秀吉又使人謂曰。汝以苛酷御民。民人叛離。軍旅起矣。是成政之大罪也。賜死。十四日。成政自殺。國除。實錄豐年五十。佐軍記法名道閑。雜話成政雖勇武。晦文學。不知齊家護國之道。崇邪法。遂至廢滅。舊記

○或云。成政有二子。長曰信治。字勝右衛門。天正十七年正月。賜食邑一萬石。薙髮號淨春。建淨春寺於天王寺。次曰成治。字孫十郎。賜祿三千五百石。○德川記。東遷基業並載。佐佐淡路守行政。爲

成政支族歟。未有所考。

河尻鎮吉。或作重能伊勢人也。不詳姓氏。父鎮祐稱右馬允。遠山記鎮吉小字與四郎。仕織田信秀。天文十一年八月。從小豆坂。與駿隊長田原某戰。獲之。時十六歲。信長記改稱與兵衛。仕信長。承命擊多治見。修理于勝山。爲勝山城主。勝山號猿鳥見城。在美濃國賀茂郡讚陽戰記。元龜元年六月。守佐和山城。信長記天正三年。長篠之役。信長賜胄於鎮吉。且聽麾掌軍令。碎玉話信長拔岩村城。令鎮吉保之。兼有伊勢河尻。遠山記十二月。任肥前守。織田家譜實錄。或作天正十年。封甲之。天正十年二月。爲先鋒。攻伊

奈城。下條九兵衛竊通鎮吉。導兵於其城。城陷。伊奈下郡平。進攻高遠大島等城。皆下之。織田家譜。轉圍深入。三月。武田氏亡。信長以甲斐及信州諏訪郡封鎮吉。織田軍記。令治岩久保故城。甲斐潮水見聞集。四月。佐佐平二郎。潛匿惠林寺。鎮吉索之。僧徒不從。遂焚惠林寺。織田家譜。信長加封駿河於東照宮。使鎮吉咨詢國務。官屢通音問。按慰之。鎮吉特勇酷暴。民不聊生。國人爭歸官。不屬鎮吉。鎮吉猜疑。謂官奸謀矣。所令不行。六日。信長凶訃至。士卒奔散。國人將作亂。會官遣本多信俊來。佐鎮吉。鎮撫郡邑。國人畏憚未發。鎮吉益疑

難騰泣二字
難解

懼。或騰泣言曰。使者欲襲殺鎮吉。鎮吉遽饗信俊。乘霑醉殺之。德川記見聞集

○岩淵夜話載。鎮吉遣人刺信俊于寢室云。

國人因唱號鎮吉暴惡。誘土寇圍鎮吉於岩久保城。十八日。城遂陷。為山縣昌滿家人三井孫一郎被殺。

德川記夜話。法名東永瑞雲。號長藏寺。戰記美濃酒倉邑長藏寺石碑

○東遷基業。板坂卜齋藤長記並載。河尻肥後守直次。食邑一萬石。苗木城主。庚子役。遠山友次攻拔其城。時直次在大坂。追軍敗自殺。梟首于膳所湖邊。時剃髮為髡云。直次於鎮吉不詳其為族。故

附以備考。

村井貞勝。皇代紀事作盛時。見性寺緣記作旬昌。今從鹽尻。按四大宮司古狀文及古押譜。姓源氏。紀事古初字吉兵衛。鹽尻古稱民部丞。緣記古押譜。長門守。元龜三年。搢紳與北面士訟獄。貞勝及佐久間信盛裁之不決。信長親斷焉。織田家譜。四年七月。爲京師所司代。緣記。逸史。天正元年二月。大將軍義昭將伐信長。信長使貞勝及島田所助。僧日乘謝之。弗聽。七月。信長入京師。命貞勝悉除京師調庸課賦。且賑鰥寡孤獨。歡聲溢巷。四年五月。聞信長發大坂。馳到。一向寇防堤阻水。諸軍不得濟。貞勝勵衆曰。君公已迫。

何爲猶豫。乃自先登濟水。役繼濟進戰。織田家譜。九年。剃髮入道。號春林軒。緣記。十年六月。奉陽光院護送。禁闕。而從信忠于二條戰死。信長記。緣記。法名松嶽宗高。號春江院。緣記。春長寺。過去帳。子某。字清二郎。亦同禦死。緣記。菅屋長賴。和州諸將軍傳。作行。稱九右衛門。父政房。清。今從北國。太平記。稱九右衛門。父政房。稱造酒丞。族稱織田。信長記。屬織田信秀。天文十七年春。政房暨族人信光率兵。軍上和田。進到小豆坂。與駿先鋒朝比奈泰能戰。坂巖根劍。駿參兵競擊。信光奮勵力戰。衆得機反戰。政房及下方貞清。岡田重喜。佐佐政次。其弟成政。本書作彌介。今據爲政次弟。載之。中野忠利揮

槍擊戰有利。武德編年集成長賴仕信長。永祿十一年秋。從入京師。信長在東福寺。使長賴禁制倅侵掠。京師始安。天正二年。春奉命赴南都。監截黃熟香木。五年冬。信長放鷹於參尾之間。長賴爲留後。信長以不動國行作刀。及乙御前釜。託曰。秀吉來則予焉。信長記織田家譜六年前。田利家等徇越中。北國太平記七年夏。淨土日蓮僧論宗意于安土。信長使長賴等和解之。日蓮徒不從。終大論庭上。長賴爲之警衛。信長記九年六月。攻七尾城。獲遊佐景房弟伊丹孫三郎。北國太平記十年三月。信長使長賴發深志倉廩。頒給糧穀於諸將士。織田

家譜六月。從信忠于二條城。血戰死之。信長記法名高巖幼順。綠記弟清長。

小瀨清長。字三郎二郎。族稱小瀨。食尾張春日井郡小幡鄉五百貫家。極貧。甘清白。性豪強。當柴田勝家領蒲生郡。遣人請援。約以三千貫。清長辭之。聘迎再三。發怒曰。吾雖祿微。軀老。世列長臣。嘗聞長臣者。不鬻躬也。惟非吾爲然。凡爲人長臣。以義爲心。以清爲意。敬上憐下。是乃分也。今世以辨才著聞者。表義嗜利。城主家盡賊。我必守義矣。或諫主誠人。性最嗜酒。屬津田信成。天正二年。長島之役。臥病于家。聞軍敗

信成死。奮起曰。信成死矣哉。乃帶甲遺囑從者。上騎馳到。問信成之死。進斬敵數人。終戰死。信長記
毛利秀賴。或云、斯波三松弟。蓋尾張人。初仕信長。屢樹戰功。壬午之役。甲將武田信綱。安中七郎三郎。小田原記、信七郎、今從甲。小原丹波守。信長記作丹波守、今依田能登守。亂記甲。據甲亂記。小田原記。依田能登守。率騎兵七百。守大島城。追飯田城陷。師來鬪。有城中懷貳者。縱火於外郭。信綱逃走。日向是吉老且羸。不可堪。然尚奮激。謂子二郎三郎曰。城難保矣。我在此。既十年。避危雖去。後榮無幾矣。不如據城致死。子疾去。與將師俱死。必勿懷貳。而不搖。從者強扶。上騎而

遁食邑村上。是吉以爲嚮敵。於是悔怒。終自殺。甲陽軍鑑、甲斐志。城終陷。信長使秀賴及河尻鎮吉守焉。廢城考。又攻高遠城。織田家譜。三月。封伊奈郡於秀賴。居飯田城。伊奈郡、食邑八萬石。織田家譜、中奈郡、食邑八萬石。興盛衰記。是夏。信長遇弒。郡國復亂。秀賴棄城而去。廢城考。而仕秀吉。賜豐臣氏。任河內守。叙從四位下。任侍從。古押譜、中興盛衰記。天正十八年五月。秀賴與上杉景勝。前田利家。攻松井田松山等城。拔之。豐鑑、七月再封伊奈郡。豐鑑、廢家譜。號伊奈侍從。中興盛衰記。文祿二年。病卒。無嗣。外孫京極高知繼遺封。居飯田城。尋加賜采邑。後轉封丹後國云。藩翰譜備考、中興盛衰記

原房親。和州諸將軍譜作姓藤原氏。古押字彥二郎。

仕織田信長。天正三年九月。賜越前大野郡。食二萬

石。織田軍傳、七年冬。受命斬戮荒木一族。織田軍記、十一

年二月。為柴田勝家先鋒。出陣賤嶽。四月。為佐久間

盛政後殿而退。會秀吉軍進到。房親謂盛政曰。請接

戰決雌雄。我為先驅矣。強之不聽。盛政終就虜。豐臣家譜、

房親未詳所終。

蜂屋賴隆。美濃人也。姓源氏。稱兵庫頭。又出羽守。初

隸土岐氏。又屬齋藤氏。永祿七年。遂降信長。明智軍記、十

一年秋。從信長于近江。受命撫綏郡邑。織田家譜、又與柴

田勝家。佐佐成政。攻日野城。姊川之戰。列三隊。太閤記、

天正元年春。與勝家等。襲石山堅田塞。獲首二百餘

級。二年。赴南都。監截黃熟香木。是秋。從攻長島賀島

口。七年十一月。受命與瀧川一益丹羽長秀。捕荒木

村重。遣孥於伊丹。磔殺一百二十二人。於尼碕七本

松。織田家譜、十年六月。頒領采邑三萬石。未詳其地。織田

屬秀吉。十二年三月。與金森長近。率兵三千。守內窪

山城。十五年夏。從羽柴秀勝。徇日向地。豐臣家譜、未詳其

所終。

不破道貞。稱河內守。美濃人也。

○今按濃陽戰記云。祖先山城人。松井藏人直家。願美濃田。始住不破郡府中。子孫分其不破多藝二郡。其後不破隼人直重。戰死于近江藤原。父某字彥左衛門。安八郡西保城主也。居安八郡西保城。森部城主不破壹岐。竹鼻城主不破源六。皆其族也。濃陽軍記。永祿七年。屬信長。明智軍記。及信長舉兵。徇近江。遣道貞迎大將軍義昭於美濃。天正元年八月。守大嶽城。織田家譜。十二月。道貞與瀧川一益相擊。初一益有女。道貞子氏次欲娶之。一益辭曰。我欲擇門地。令配偶。若不破寒族。我不欲。道貞聞之。謂

我今雖隸信長。清和帝裔。國著姓也。未聞彼父祖來由。信長特登庸之士也。今乘勢而侮我。不可忍耐也。是夜。往一益家相擊云。戰記引退前軒法印日記。天正六年冬。抗信孝。守安土城。七年冬。往攝津殲荒木氏。織田系圖。子氏次。字彥三。將軍傳。天正三年九月。從信長伐平越前。賜府中田二萬石。豐臣家譜。加隸柴田勝家。天正十年冬。為勝家使。往秀吉青龍寺營。豐臣家譜。北平記。十一年。為勝家先鋒。拒秀吉於賤嶽。豐臣家譜。後隸前田氏于加賀。

野史卷一百七十八終

野史卷一百七十八終

野史卷一百七十九

武臣列傳第八十七

丹羽長秀

丹羽長秀。尾張人也。姓藤原氏。修理亮長政二男。其先武州兒玉黨。中葉移尾州。仕斯波氏。居丹羽郡。丹羽家譜、藩翰譜長政長子長忠。稱將監。蚤死。次乃長秀。小字萬千代。天文十九年。歲甫十五。仕織田信長。給事左右。及長擢爲隊長。屢樹武功。信長以兄信廣之女妻

飯田忠彦 修
男 文彦 訓點
竹中邦香 校

野史卷一百七十九

之。是爲源光平夫人。家譜長秀改稱五郎左衛門。元龜元年。守百百邸壘。壓佐和山。爲信長諭磯野秀昌。屢通信。當對陣于叡山趾。使江口三郎左衛門守百百邸。自率騎五百。將赴坂本。土寇途起。道路梗塞。長秀亟擊而進。會竹中重治來救。俱擊卻之。騁入坂本。太閤記五月。信長入京師。長秀與明智光秀略若狹。攻武藤景久于石山城。在大飯郡景久防戰。其士村松主水固諫。若狹守護景久出其母爲質。長秀携歸。過江州。土寇復起阻路。稻葉長通父子在于山寨。聞急。出擊寇卻之。送首級千二百於京師。六月。信長討淺井

長政。使長秀備橫山。尋信長拔橫山。進圍佐和山城。令長秀及市橋長勝。河尻鎮吉相代守橫山城。織田家譜二年二月。磯野秀昌出而降。信長以佐和山城采邑五萬石。授長秀。織田家譜或作元龜三年。與柴田勝家並爲信長股肱。世稱一雙。關白秀吉式微時。慕二人雄武。並請族字。稱族羽柴云。藩翰譜天正元年二月。與勝家等攻石山堅田。獲首級。送諸岐阜。四月。信長竊謂長秀曰。室町殿必有異謀。我欲廢之以令天下。汝宜造軍船爲之備。織田家譜三年五月。從信長于長篠。織田家譜六月。信長薦舉家人叙爵。當是時。統領國郡。未甚

多。無酬功之田。故欲徇西道諸州。大割封功臣。取鎮西著姓。使功臣稱之。願長秀稱族惟住。改姓平氏。家譜藩翰譜。或作天。正二年十二月。執長秀。任越前守。固辭曰。五郎左衛門稱。於臣爲足。請辭。太閤記○織田軍記。信長遇弑。後復本氏。藩翰譜。四年正月。信長城安土。使長秀監焉。織田家譜。是秋。信長使高濱城主逸見遠昌伐武田氏。遠昌會疾篤。其子信濃守代父。率兵三百。與武藤景久接戰。中銃斃。軍潰。遠昌憤怒。率白井民部丞。畑田修理亮等兵五百。攻佐分利谷。與景久戰而克之。燬石山寨。景久被傷。走太田山而死。遠昌進攻小濱。縱火

焚邊邑而歸。武田氏怒。起兵攻遠昌于其城。遠昌終病死。焚高濱城。信長乃以若狹十萬石封長秀。使栗屋熊谷松宮等爲與力。令治小濱城。國人來降。不服者皆走。信濃孫辨之助。時年九歲。家人携到安土。歎請復其邑。信長糾問其人爲景久所侵奪。不聽。去憑明智光秀于丹波。光秀憐祿焉。明智軍記。五年。長秀始入小濱城。守代年數。六年正旦。信長召功臣長秀等於安土。賜點茶。四月。與光秀討荒木行重于丹波。七月。攻神吉城。拔之。七年十一月。長秀暨瀧川一益。蜂屋賴隆。捕荒木村重子族妻孥百二十二人。受命盡磔殺

之於尼碕七本松。織田家譜十年五月。織田信孝爲將伐南海。長秀及賴隆。中川清秀。高山長房等。率師一萬。艤軍艦於難波。俟風而將發。六月。信長命長秀伐一向僧徒。長秀將兵千五百。是月二日。赴泉州。次岸和田。攻鷲森而不克。退議再圍。縱火而進。會凶訃至。遂還軍于大坂。太閤記尋聞織田信澄黨光秀。與信孝戮兵。攻殺之。家譜豐長秀部下上田重安獲信澄首。國史實錄又伐伊丹賊平之。家譜藩會秀吉于尼碕。家譜豐建議討逆臣光秀於山碕。遂滅之。家譜藩適清須與勝家秀吉等商議。立三法師爲主。頒封若狹及近江。

高島志賀二郡。家譜豐徙治大溝。家譜
○武者物語作居若州青井城。○藩翰譜或云。先是信長予若狹及近江二郡。居若狹青井城。
武田元次作亂。攻佐和山。長秀自清須馳歸擊之。月餘平之。逸史當是時。勝家秀吉生郟。長秀左袒秀吉。信考察秀吉奪國柄。與勝家通謀。欲除秀吉。長秀諭令行成。勝家就國。聞秀吉襲岐阜。憤忿。會北地雪深。不能出軍。十一月。使人來誘。長秀對曰。秀吉翼戴嗣君。信孝猜忌之。宜使幼君徙岐阜。雖然。嗣君幼冲。毀譽恐不可絕。冀信孝。勝家揀擇已。豐臣家譜藩翰譜。十一年春。

勝家發師于近江。長秀嘗與秀吉謀。徙坂本城。將襲北軍。附兵三千於子長重。由敦賀口發。殊分七千兵。伏鹽津。海津。四月。聞賤嶽連寨既危。欲巡視。令坂井與右衛門。江口三郎右衛門等設糧酒。乘舸浮湖岸。途聞銃響。命著舸于岸渚。與右衛門等曰。請退保坂本。長秀掉頭曰。苟悖義違期。武夫所不爲。犯之則不得全終。乃馳人問。士民報曰。未知其故。桑山殿今已退。長秀復遣人曰。何故退矣耶。瀨兵者如何。乃命急運舸。賤嶽記。○又云。長秀以兵不續。而不進戰。又馳人於海津。分兵加援。遣書招溝口秀勝。村上義明。命柁工發船。衆曰。水夫

疲。兵士倦。恐不可矣乎。長秀哂曰。汝輩何窄量。是使衆知我救賤嶽之勢也。乃命急轉運上岸。遇兵卒傷遁者。審問戰狀。馳人於諸寨。謂曰。長秀加援。嘗所備軍船亦到山梨子。歷大音而登嶽。謁秀吉于坂路。見北軍潰曰。快矣哉。乃麾兵馳擊。敵後軍與原元治接戰。遂走之。守護代年。豐年。數作四月。守秀吉嘉長秀首絕勝家助己也。勸織田氏益封越前及加賀二郡。豐家譜。秀吉謂曰。往日貴於我。而爲同僚。今受我封。不知何之謂。長秀答謝稱臣。實乃徙治北莊。尋任越前守。豐家譜。○藩翰。秀吉又欲謀信雄。募尾濃兵。

十二年三月。長秀率兵八千。守小松山城。豐臣家譜、
○守護年數、十三年二月。秀吉拜內大臣。四月。長秀卒。
長秀爲人質直。雖羽柴氏起自微。猝出已上。重其復。
大讐。屈意從之。及其擯織田氏。自爲盟主。積不能平。
竊欲除之。以興織田氏。病力不能辨。徒負叛名。以死。
居恒怏怏。夙有癥疾。殆不自支。每言癥塊欲殺我。此
亦吾仇也。卒引刀割肚。剔出塊物。其爲物也。龜形大
如拳形。而鷹背。刀痕正在脊。自執筆記附塊。以貽秀
吉。秀吉驚嘆。親書封國無異盟狀。與長秀。長秀曰。我
莫遺念也。而暝。時歲五十一。藩翰譜、
逸史、

○國史實錄豐臣家譜並載。長秀引刀自裁。火葬
灰中有塊。不焦不燒。見之乃蟲形云。○藩翰譜或
云。長秀慚悔。立秀吉之下風。謂我存世從受指頭
之誹謗。不若死而全後繼。竟託疾自裁。○多門院
日記云。長秀四月十四日割腹。十六日絕。

秀吉見病塊以爲奇。命竹田法印藏焉。豐臣家譜、
實錄、法名
宗德。家譜、長秀帶鷹丸刀而患眼。初惡七兵衛景清。納
之於熱田神庫。天文十七年。千秋紀伊守佩之。戰死
于濃州稻葉山。陰山掃部助取得佩之。是冬大垣之
戰。掃部被射兩眼而死。數傳至長秀。或謂帶此刀者。

必患眼也。於是長秀納之熱田祠。熱田神社問答雜錄長秀有六子。曰長重。曰長昌。家譜作長正稱備中守。自幼近侍秀吉。賜越前東鄉城。食邑五萬石。庚子役。黨大谷吉隆。軍敗晦跡。後仕長重。中興盛衰記曰高吉。稱宮內少輔。初爲大納言。秀長所養。後秀吉命藤堂高虎爲子。子孫仕藤堂氏。在伊賀。家譜曰直政。稱越後守。爲蜂屋賴隆養子。曰長俊。稱長門守。曰長次。稱左近。仕幕府。叙爵稱左近衛將監。子孫相傳。

長重。小字鍋。甫十二歲。居坂本。秀吉命配右府信長女。家譜天正十一年。改五郎左衛門。居府中城。十三年

四月。長秀卒。長重時歲十五。佐佐成政在越中。應織田信雄。秀吉命長重出軍賦。時嗣封未定。累月。會有謾命。臣成田彌八郎建議曰。先君忠織田氏。齋志以沒。朱章未下。恐有削細。竊謀舉兵以繼先志。衆議未決。輒不諧而止。議微泄。於是長重應募發部下犯律。秀吉怒。收越前加賀二州。予若狹舊封。稱罪誅彌八郎。藩翰譜武擇長重部下長東正家。村上義明。溝口秀勝。青山忠元。青山一重。戶田正重。寺西忠澄。上田重安。奧村貞信等。列侯籍。七月。秀吉拜關白。薦長重任侍從。藩翰譜十五年。從征西。抵日向。部下或犯法。入

月。秀吉奪長重封。藩翰譜、作近江三郡、殊予松任田五萬石。武者物語、逸史、○丹羽家譜爲四萬石、征明役起。率兵八百。從行營。豐臣家譜、文祿四年。任參議。叙從三位。武家補任、○按、公卿慶長三年。逸史、作二年、秀吉錄長秀舊功。轉長重封小松城。食十萬石。兼任加賀守。長重願功臣坂井與右衛門。江口三郎右衛門。各以一萬石。藩翰譜、四年冬。風說前田利長反。東照宮征討焉。長重聞之。趣請曰。頃聞公有事加賀。然則臣城邑與彼接境。先鋒以不可讓。他父長秀與利長有姻。今爲公廢私。武之業也。強請先鋒。東照公嘉志。賜吉光作刀。

然卷說起於反間。不發而止。

○小松軍記云。東照公召長重曰。利長背顧命。定盟書。密圖不軌。是亂之魁首也。卿雖與彼有姻親。不黨必矣。宜就國搜金澤舉動以報焉。孤若出師。則卿其爲前鋒。乃賜吉光作刀。長重悅諾。是夜發大坂。歸小松。與諸老議。覘金澤。逮庚子役起。利長遣人來謂曰。我應內府令。將赴上國。卿如同謀。請借發。對曰。爲太閤所奪父之封。遷邑三年。非敢有恩惠。對內府。又無親疎。我未辨措置。若因卿執舉。得復越前。爲內府碎身努力。以擊一面。利

長曰。復封內府之意。我不能奈之何。雖然建功則何
不遂宿懷耶。我亦極力執焉。長重大悅。遣人盟松任。
加人求質。家人恚曰。自右府公而來。爲一隊將。爲太
閤。雖見減封。兩家共爲親姻。昆弟之國。何送質之爲。
加人謂。去年風說。利長反。長重爲姻。不解冤。卻請先
鋒。强悍如斯。臨太節必危矣。議遂破。藩翰
○小松軍記云。七月東照公到小山。利長亦募兵
以達小松。長重以爲先是內府疑利長。以託先鋒
于我。故與利長斷親姻。以應其命。利長雖千謝萬
悔。莫報我一言。且東征重事也。然卻使利長促我。

利長之意。未可識矣。不如察諸道動靜。而後發。乃
託疾辭兵。且曰。請先。我養痾而後發矣。利長疑懼。
再使不破齋宮助來促。三四回。猶未發。會奉行等
以秀賴命寄書。東照公亦送書曰。北道之事。偏倚
賴卿云。長重未決所置云。
長重命浚塹修墻。遣人伐盡竹藪。初長重受封于小
松。馳入於大津驛。購得鋸鉞各千。散恠。至是人感長
重遠謀。武者物。小松城之爲地也。對御幸塚阜。一段
低地。距安宅川岸。七八町許。且泥地中有凸。以爲城
地。西北二面。安宅川水漲岸。截崖高聳。如石壁。是爲

前門掛橋口是也。東面及巽隅曰淺井。濬田而如湖。有啜一路。後門一面。與平地連續。浚隍數十丈。長重徙治。更築牙城。地高九尺。以備水難。又造五層天主樓。以嚴備云。大聖寺城主山口宗永來謂曰。利長大軍掠畧近境。諸城勢微。不可當焉。願俱據斯城防禦。以俟大谷氏後援矣。我當保後門。長重曰。利長深慮諸城後援。而必不急攻。足下今遽棄城。則人必謂望風而潰。且敵設入大聖寺。壅便路。則糧食渴乏矣。不如據各城防禦。臨事急。則諸城合期爲後援。七月。利長帥師四萬發金澤。縱火于小松領。抵水島寺井。長

重謂。我對東照公。雖無爲敵之意。於利長亦所不辭也。乃自出掛橋口巡視。構柵于安宅川岸。浚隍以爲之備。小松軍記利長與弟利政會三堂山。長重出外郭。登塵屋棟望之。利長軍東到手取河及三堂山。本書作三松軍記鬼波三谷。旌幟充塞山野。坂井與右衛門作三松軍記勵聲曰。軍之勝敗在將帥。非士卒所主。臣請覺敵睡眠。令古田五兵衛兵千四百自淺井口。櫻木源太率銃手八百自瀉海。乘輕舸踰海。襲敵後軍。利政暨高山右近迎戰。五兵衛源太競擊。逼馬場邑。小松軍記當是時。長重遣南部無右衛門。寺澤勘右衛門爲斥候。

右近望之追到。二人馳歸。或謂利長歷今井橋。將攻城。城中傳聞騷搖。長重猶在棟上。聞報。馳入召五兵源太二人。收兵而歸。利政右近俱出兵追躡。不及而罷。利長亦不來攻。會津軍記。城中壯者夜潛出逐敵。長重制止。命自燒後門郭外本柳町而嚴備。小松軍記。長重召無右。勘右問狀。二人對曰。臣等往大呂邑一屋見兵。覆今井橋御幸塚。故以報。五兵源太在側罵曰。其覆乃我儕也。初得勝于淺井口。瀉之戰。終追窮敵於馬場邑。必勝之利爲虛耗。切齒悔慚。長重嗔曰。怯矣哉。希有狼狽奴。會津軍記。八月。長重聞大聖寺急。單騎而發。

赴。後援繼到者兵二千。江口三郎右衛門回候。到敷地天神曰。城既陷。長重轉入金澤領。縱火于本吉。斬老幼數百人而還。小松軍記。利長拔大聖寺城。而聞讐由海路入能登。遂回師。先鋒山崎長德等四隊陣御幸塚。長重望見。謂利長輕侮我微勢。假途於城下。一言不揖。似傍若無人也。部下或謂莫當。三郎右衛門小松軍記。不聽。曰。令寇過城下。佗日何顏可以見人。不若擊之。長重曰。善。乃與坂井與右衛門率隊伍。凌暴雨。出備街口。以窺敵動止。又覆兵於大呂。與利長斥候遇。矢丸迭接。相戰而罷。小松軍記。明日利長部將橫

山長知山碕長福等。下淺井山而退。三郎右衛門望見以報之。與古田五兵衛。櫻木助左衛門等。僅十餘人。或載坂井彌五右衛門出城。縱銃追躡。長重聞三郎右衛門報。將出。十方院松雲扣轡諫曰。江口深入敵中。恐取敗矣。俟敵亂。次追尾。迎擊之有利矣。長重曰。我自孩提。與江口得長相盟。死生必俱焉。揭鎧馳驅。與三郎右衛門相遇。三郎乃率兵三百。襲敵軍。而登淺井山。長重亦揮麾追驅。加福將太田雄宗等。返戰于淺井。暇橋際。長重勵聲而進。左右競鬪。不破寺澤沛艾等死之。利長退陣三堂山。望之。將進師。攻掛橋口。或報

之長重。長重曰。敵意以城危爲念。則乃入可以保焉。我不棄殺江口也。以告三郎。三郎哂曰。我陣高阜。自三堂山到城門。蟻這不脫。是無他。張擬勢以謀我矣。小松軍記長重將追躡。與右衛門諫曰。大敵也。莫逐焉。長重諾。而俱入城。利長亦見長重出進師。將襲。長重已入。不及而罷。石田軍記迫東照公召利長。利長與長重行成。

○小松軍記云。利長又議水攻。城中諸老胥議遣人憑橫山長知。議行成。利長應諾。

長重以族長元時十歲。及伯父丹羽九兵衛女時二

歲。江口坂井。大谷與兵衛三老臣亦各一人爲質。利長送弟利光爲質。送交之掛橋口而別。小松軍記尋利長西上。亂平而後。糾問是非。長重陳謝曰。臣自初孤立。因利長勸據城。與利長戰也。以有私怨。非敢爲仇也。雖然事猶不審。將處重刑。利長爲謝曰。及歷海道西上。重賜命。徇北陸。速西上。是以傳令於長重。與講和而到也。重刑若有加彼。則彼必謂利長懼初度之戰。而然矣。是臣所耻。請寬其罪焉。於是論罪沒收長重封邑。藩翰譜長重往江府。幽居芝濱。稱五郎左衛門。每近侍幕府。家譜慶長八年三月。藩翰譜作十月。賜常

陸古渡田一萬石。家譜中興十九年冬。從大坂之役。家譜夏役。獲首十四級。大坂陣帳元和五年。加賜一萬石。八年。徙棚倉城。陸賜采邑五萬石。寬永四年二月。倍食邑。賜白川城。家譜是時藤堂高虎傳內旨曰。加藤嘉明倍封移會津。卿亦轉封於白川。是無他。代蒲生氏。以爲奧州鎮護也。對嘉明莫疎濶云。長重急修築城壁。迨事成。嘉明過白川。長重迎入。俱巡歷城郭。謂嘉明曰。卿者老武。若有不足。則補助焉。必勿蔭覆。嘉明曰。自他皆同。何以得覆。毫莫虛耗。長重強請。嘉明告其意去。奧羽諸侯。每過白川。必入城面語。

青政官
文庫

伊達正宗亦親呢。或置酒。正宗曰。卿及左馬介爲與
羽藩鎮。我率師數萬來則奈何。聊有所勞念矣。荅曰。
我雖兵寡。衝卿中軍。擊破之。則輒不得過城下矣。或
曰。正宗過城下。謂片倉景綱曰。若斯城。餐前屠殲矣。
荅曰。否。有江口在城。迄日午云。白川政事考九年。還
任參議。藩翰譜十四年三月薨。歲六十七。家譜故法名
傑俊淨英。號大麟寺。故事考家譜。泉子光重。寬永十
一年冬。叙從五位下。稱左京大夫。襲封。徙二本松城。
與叙從四位下。後任侍從。子孫襲侯。
野史卷一百七十九終

